

飞丸记
明·张景

●第一出 梨园鼓吹

〔西江月〕〔末〕春树生香易散，浮云变态无常。
洪崖风月景偏长，笑剧场中无恙。身世空中白战，功名
觉后黄粱。肩撑四大顶三纲，万古声名影响。〔问答照
常科〕

〔散漫词〕〔末〕易弘器，严世蕃，薛滕唇齿，吴越
戈矛。念先世之鼠牙，肆当朝之蜂螫。值弘器计偕燕台
，遭世蕃为阱齐囿。花园邂逅，托屏娃而寄情；绮席牢
笼，触吹沙而难发。未遂当垆，先沾解网。继发覆于
应龙，中埋形于郡实。一充城旦，若待年于江滨；一列
锁垣，得快心于天阙。冤翻恩结，姻联月下之赤绳；媒
倩丸投，事类沟中之红叶。正是：白衣苍狗多翻覆，沧
海桑田几变更。略道事情，便知颠末。

严世蕃挟仇坑士，易弘器报德谐姻。

严玉英守贞霜烈，叩郡实结义兰馨。

●第二出 访旧寻盟

〔临江仙〕〔生〕秋花早斫吴刚斧，望春花看遍皇都。争奈豺狼当道遁狸狐，空有丹心昭日月，浩气塞寰区。

〔脱却蓝衫换绿袍，还期朱绂立中朝。步凌霄汉星芒动，啸倚崆峒剑气高。自家姓易，名弘器，别号完虚，袁州分宜人也。不幸父母早亡，因此室家未遂，祸与严家世隙。争奈当今严相专权，夏桂州、杨椒山衔冤就戮，忠臣丧气，烈士寒心。况俺与彼世仇，后来毒害，不知怎么。为此去岁虽蒙鸚荐，今春欲避虎威。有一故人叩郡实，河南人氏，寄居荆溪。正欲与他商计行藏，昨日有书相请，不若趁此一行。叫真幻，欲往宜兴叩相公家去，你可早些收拾行囊。〔丑上应科〕明日宜兴去，行囊一担挑。家家添彩胜，处处换新桃。〕

〔金井水红花〕〔生〕彩胜添新缕，绯桃换旧符。按辔骤长途，望靡芜，风烟非故。是处红颜小媛，唤客在当垆，唱一声〔水红花〕也翺。〔我与叩兄联床并辔

，说剑论文，已非一日。正是海内黄金看意气，人间白雪见文章。我想那日与他呵，）晨窗问字，夜火分篝，弄槩提铅，同拟天衢齐步。笑我黔驴蹇足，幸尔先驰帝都。惜他龙门点额，犹然还存故吾。一鞭行色，且问青门路。

（〔丑〕相公，天色将晚，趲行几步。）

〔玉胞肚〕〔生〕斜阳古渡，问行踪高阳酒徒。佩奚囊满贮明珠，负青萍价值论都。（〔丑〕早春天气，草色未齐。）〔生〕你看连朝小雨润如酥，草色遥看近却无。

〔前腔〕〔丑〕芒鞋飞步，一肩余山长路迂。奔程途口渴肠枯，听枝头相唤相呼。疏林月上撞樵夫，为问前村有酒无？

〔尾声〕〔合〕春风料峭天将暮，扰扰归人争渡，遥见阳羨溪山俨画图。

〔生〕意气由来排灌夫，平明策马走长途。

〔丑〕前峰月照半江水，人在荆门客在吴。

●第三出 赏春话别

〔临江仙〕〔末〕柳眼窥春莺唤醒，韶华局换青青。
长风破浪愿难乘，康庄看骥骋，弩蹇暂淹停。

〔烟光口吐五云中，一第无成马首东。长剑重磨倚天外，神龙未雨蛰泥中。时违甘自惭三釜，风送还应上九重。七尺英姿天肯负，莫将眉睫觑英雄。自家姓叩，名郡，字郡实。胄出青门，居邻黄土。祖叨台省，父列儒林。贯串百家诸子，沉酣五典三坟。谁知额点禹门前，名落孙山外。适有江西易完虚，武陵共业，桃园结盟。去岁已曾得俊，今年不与计偕，未知何故。前日有书去请，只此数日想必来也。叫院子，易相公到，速来通报。〔内应科〕〕

〔生查子〕〔生〕桃园在何许？西峰最深处。不用问渔人，沿溪踏花去。

〔此间想是叩兄家了。门上可有人么？〔外〕是那个？〔生〕易相公拜访。〔外报科〕〕

〔前腔〕〔末〕夜剔青藜灯，昼拭乌皮几。闻道仲宣来，忙倒中郎屣。

〔相见科〕哥哥，和你武陵一别，似隔三秋。〔生〕兄弟呵，阳羨重逢，情盟五内。〔末〕你绳枢甘守，岂揣摩之未精？〔生〕我羽毛未丰，恐网罗之易及。〔末〕严世蕃位高心下，芥蒂凉已风消。〔生〕只恐他忿积谋深，怨毒岂能冰释。特就仁兄，且图韬晦。〔末〕呀，哥哥，长安卿相多少年，富贵应须致身早。〔生〕承教承教。〔末〕舍下有望春楼，颇多野趣，请一登眺何如？〔生〕最妙。〔作登科〕你看夜雨红胎树，春风绿孕枝。叫院子，将酒过来。〔作送酒科〕

〔锦堂月〕〔生〕绿孕枝头，红胎树顶，春妆上林烟景。好鸟啼花，声声助人游兴。喜居停挈榼提壶，堪破我剑孤琴冷。〔合〕脱囊颖，管取玉勒金羁，五百齐逞。

〔前腔〕〔末〕乘兴，栏槛都凭，楼台历遍，兴酣还拉郊行。况美景良辰，赏心乐事难并。喜林端风日晴和，只恐怕阴晴难定。〔合前〕

〔前腔〕〔生〕寻胜，峻岭攒青，茂林丛翠，真个山阴风景。正流水觞迎，人醉莫教花醒。喜看他罨画江山

，那禁我故乡回领。〔合前〕

〔前腔〕〔末〕人竞，侠客擎鹰，王孙蹴鞠，风流种种争胜。正锦绣乾坤，人物豪华恰称。喜看你禹浪扬垆，那数我濠梁游泳。〔合前〕

〔醉翁子〕〔生〕相庆幸，世界风烟阒静。看过隙居诸，几多情境。更请早嘱托阳戈，挂住西飞红日影。

〔合〕春将剩，取当下欢娱，现在光景。

〔前腔〕〔末〕君听，叹世人似沤浮泡影，笑眼前繁华富贵，可能常定？毕竟红紫易飘零，怎赛得松柏偏凌霜与冰。〔合前〕

（〔生〕搅扰仁兄，就此告别。〔末〕日日望故人，故人无处觅。才得故人逢，岂堪遂相别。〔生〕归兴陡然，似不可遏。）

〔侥侥令〕〔末〕春山排槛翠，春草隔帘青。你看两两三三人游处，鸟语共歌声，如劝停。

〔前腔〕〔生〕群空关雁影，目断楚云平。惟有万山青色随征马，绿草送人行，逐旆旌。

〔尾声〕〔末〕临行好把朝鞭赠，莫道南风不竞，

我望你富贵相逢下马行。

〔末〕灞南高处望长安，楚水吴山道路难。

〔生〕别后相思何处是？青山明月梦中看。

●第四出 谏拒脱簪

〔宰地锦裆〕〔净〕倚云栽杏映天红，化日薰陶春色浓。相看沐浴湛恩洪，都属天家雨露功。

〔权贵压官僚，威名震华夏。能喝水倒流，会使鬼推驾。自家严世蕃，别号东楼公的便是。父为太师，职掌朝纲。吾乃侍郎，权司工部。父子俱登显要，文武莫不钦承。当今只有我侮人，料没有人来侮我。只有易家世仇，终难消什。前岁升汤日新为袁州知府，意欲藉手以报怨，不料不肯曲护。易弘器这些世济其恶，我说法宜禁锢，不料宿卫指挥朱士直，他就当面抢白我。如今不免修两个帖儿，将他送到兵部，都调他云贵烟瘴地方去，慢慢送杀他，易家事且再图之。道犹未了，夫人辈早上。〕

〔越调祝英台近〕〔贴〕雨初晴，风骤猛，俄顷乱红拥。〔旦〕游子纷纷，车马尚相踵。〔丑〕更有蝶拍园翻，莺簧堤弄。〔合〕好时景浑如春梦。

〔〔贴〕人生莫作妇人身，百年苦乐由他人。荣华富贵暂时事，江水江花只自春。妾身华氏是也。有女玉

英，委托陆姑抚育。喜他温柔聪慧，虽然屏选无人，毕竟填河有鹊，这也不足虑他。只是夫君招谗怙宠，愎谏嫉贤，久后不知税驾。今日与女孩儿，不免苦劝他一回。〔相见科〕老爹，这两个帖儿，何处去的？〔净〕汤日新见面钱少，朱士直议论不合，俱着权要，调他烟瘴地方去。〔贴〕老爷差矣。一人之见有限，居高位者，正宜广询博访，奈何执拗伤人。〔净〕你妇人家晓得恁事！〔贴〕谏仿脱簪，言当采菲。听禀上：)

〔画眉序〕〔贴〕荣贵压豪族，臆路从来车马簇。奈贤豪嫚骂，口箝忠告。〔净〕大丈夫那听妇人言。〕〔贴〕感断织羊子成贤，悟脱簪周宣兴国。〔合〕狠心贪恋铜山富，只怕祸如博陆。

〔前腔〕〔净〕君恩宠优渥，位柱朝纲权势独。想根深蒂固，巩如磐谷。萧相能镇抚东都，武侯好奠安西蜀。〔合〕太平期画麒麟阁，阍外更希推毂。

〔旦〕爹爹，见面钱少，有何大罪？贪财恐致害身。听儿禀上：)

〔前腔〕〔旦〕府库久充足，远胜陶朱堪敌国。致

贪财坏法，普天侧目。傍台星利析秋毫，坐偃月计倾僚属。〔合〕狠心贪恋铜山富，只怕祸如金谷。

〔净〕吾父掌朝纲，人要做官，也须费几贯钱钞。我便得些偏手儿，有何大害。你也来讥消！)

〔前腔〕〔净〕受用是吾福，总使横行谁抵触？〔旦、贴〕风帆不可使尽。〕〔净〕仗天风帆便，稳无反覆。冲霄起鹏有双翎，死不僵虫生百足。〔合〕太平期画凌烟阁，阍外更希推毂。

〔贴〕老爹及早回头。听我道：)

〔鲍老催〕〔贴〕急当龟缩，你不见果老骑驴常倒足？须防世路多翻覆。使机关，强计较，空碌碌。儿孙自有儿孙福。〔净〕天生有福须尽福，当权错过应难赎。

〔双声子〕〔旦〕爹折福，爹折福，土珠玉，人鱼肉。〔净〕这等说，你无福享富贵了。〕〔旦〕儿无福，儿无福，藏金屋，愁颠覆。光景倏，光景倏，笙歌促，笙歌促。只怕月沉星落，良宵难续。

〔尾声〕〔合〕鼎食全家思覆餗，燕雀堂高惧回禄，

祇恐牵犬东门累羞辱。

〔净〕自是朝中第一人，〔贴〕只能谋富不谋身。

〔旦〕人生富贵须回首，〔合〕铜雀荒凉锁暮云。

●第五出 交投设抃

〔〔内叫云〕真幻，易相公叫你上京哩。〔丑挑行李上〕真幻真幻，跟随极惯。急收拾，忙打扮，背了衣包拿了伞。收紧头巾条，拔起后鞋襻，快快跑，急急趲，这条路儿行得惯。早起跑到日头晏，方知百步无轻担。〔作歇肩科〕暂卸行囊打个盹。〔作立闭眼科〕呀，却有十分好肴馔，烹风先吃一大瓯，嘎酒奉来盐鸭蛋。鸡又肥，肉又烂，鹿脯羊羔酱油蘸。主人意思忒殷勤，劝酒花娇两傍站。眼底行来步步娇，耳边唱的〔声声慢〕。满盆五只口里喊，两谎三枚手中甩。好快活，好快活。〔生内叫云〕真幻，快些赶上来。〔丑惊科〕啐、啐、啐，原来做梦哩。屈也屈也。早知好景不多时，梦中何不都吃办。屈也，屈也！〔笑科丑〕你们有酒有饭及早吞，总来世事如云幻。〔生上见科〕还不快走！〔丑〕怪你不知趣的主人公，把我上好的筵席都冲散。好吃，好吃。有趣，有趣。〔生〕你还在梦里！〔丑〕啐、啐、啐，梦里华筵满眼，醒来绿草连天。〕

〔步步娇〕〔生〕绿草连天春光早，回首乡间杳。

思亲泪暗抛，遥望枫宸，祥云笼罩。何年赤手系长鳌？投竿不枉任公钓。

（红日上三竿，山僧尚掩龕。嗟嗟名利客，扰扰路途间。我弘器为与严家有隙，因此上绝意仕途。奈因叩弟苦劝，来到京师。我想欲去参见他，又不甘心。欲得不去，他威势怕人，持其两难。前面就是京师了。（丑）相公，果然是好光景也。）

（前腔）（生）举目长安风光好，三月花期到。纷纷多土豪，染纸挥毫，各抒怀抱。何愁点额委洪涛，轻雷鼓浪神鱼跳。

（（丑）相公，京师已到。严宅虽仇，他威势甚焰，毕竟先去参见他才是。（生）正是。到他檐下过，怎敢不低头。不免去走一遭。（下））

（挂真儿引）（净）睚眦之仇期必报，应知雀角难消。阳托招罗，阴怀圈套，腹剑胜藏刀设缴。

（玉带绯袍据要津，群僚雅拜望车尘。谁当捧日擎天手，都属当朝秉轴臣。我世蕃藉父余荫，得此美官。仗父威灵，人咸钦服。积聚资财数十万，结交权

要几千人。睥睨之怨已伸，睚眦之仇必报。只有易家与吾世仇，为吾官势所压，不敢轻动。不想易弘器就中了解元，今春若联捷，焉肯释怨？他来时少不得参见我，我将机就机，定要留他在家，谩谩把这厮一发除了，有何不可！（大笑科）好计，好计。（生上）未去朝天子，先来谒相公。门上可有人么？（丑报科，相见科，净）不知兄到，有失迎候，恕罪恕罪。（生）不敢，不敢。（净）易兄乡书高荐，可喜可喜。（生）一时侥幸，诚为望外。）

〔集贤宾〕（生）污池蛙测知见小，未窥江海洪涛。荷沐恩波身转掉，希德相提携开导。（〔净〕不须分付。五府六部翰林科道，俱凭我说话。）（生）只是先君干冒，虽往事望捐怀抱。（〔净〕小嫌何足介意，乡兄不必多心。）〔合〕修旧好，把芥蒂冰消风扫。

〔前腔〕〔净〕家君荣幸超人表，坐朝堂震肃群僚。官重名高心愈小，况咫尺天颜临照。仇多恩报，容茹处海宽天浩。（合前）

（〔净〕乡兄可有寓所了？（生）还未。（净）舍下

何如？〔生〕不敢打搅。〔净〕乡兄差矣。）

〔猫儿坠〕〔净〕与君乡故，嫌隙已明了，意气通家何不好？惭非吐沫揽英豪，堪效，须附他剧孟家风，千里车绕。

〔前腔〕〔生〕谬叨罗召，正是刎颈缔新交。羞杀金钱饗受了，恩施几杖愧违朝。还告，做不得入幕嘉宾，桃李名号。

〔〔净〕位高德薄，正欲延揽英豪。况兄才德，更出吾上，不必多心，一定要住。〔生〕决定不住。〔净〕决定要住。〔生〕足见盛情，决不奉命。〔净〕叫福童，收拾后花园中书房，着他家人先回，你伏侍易相公去。〔生背云〕事势至此，暂且应承再计。正是情知不是伴，事急且相随。〔生下，净〕弘器弘器，我也好计，你也悔气。我怕你乖而不来，不怕你来而使智。呵呵，你只道转鹏旷野欲升天，今做了跛鳖深缸何处去？〔笑下〕〕

●第六出 游园题画

〔忆秦娥〕〔生〕神京近，一丸泥把函关定。函关定，羊肠世路，谩先驰骋。

〔我上京求取功名，不料严家冰释旧嫌，密投新好。莫不是意在得鱼，计先舍饵？正是：愁云万叠眉峰锁，心月孤明胆海宽。且抛书卷，把冰弦抚弄，少拨闷怀。〔弹琴介〕〕

〔解三酲〕〔生〕向南薰鸟啼清昼，且抛着断筒残编。似我不窥园的苦把身牢阱，怎如那弄枯桐的落得心阒静。琴呵，还指望高山流水钟期遇，休动了寡鹄孤鸾游子情。还思省，怕听他螳螂蝉捕，弦里传惊。

〔冰弦未转番幽恨，玉轸调成畏杀声。还不若把龙泉起舞，抖擞壮怀。〔舞剑科〕〕

〔前腔〕〔生〕听琴声愁肠陡动，谩指望焦尾调情。似我弄宫商的惹得心兵竞，怎如那控镞干的舞动我心豪兴。剑呵，还想你阶前按脱囊锥颖，莫做他客舍歌弹猴蒯轻。还思省，愁杀他锋藏鱼腹，解赠逃生。

〔何年得遂上方请？折槛明廷斩佞臣。呀，照依我